

Vijesti

28.11.2013.

Arhiva

Posjeta njemačkog eksperta Agenciji u pripremi za uvođenje standarda BAS ISO/IEC 17025

Agenciju za forenzička ispitivanja i vještačenja je, u okviru projekta „Podrška Evropske unije provođenju zakona“ IPA 2010 komponenta VIII, posjetio dr Tomas Krighof, ekspert za implementaciju BAS ISO/IEC 17025. Tokom dvije posjete 2013. godine, dr Tomas Krighof je uz određene ocjene, dao prijedloge i preporuke za aktivnosti na uvođenju BAS ISO/IEC 17025 i akreditaciji forenzičkih laboratorija.

Prilikom prve posjete 15 - 17. maja 2013. godine izvršene su stručne konsultacije i ocjena trenutnog stanja postojećih laboratorija u Agenciji u kojima se vrše forenzička vještačenja i usaglašenosti dokumenata unutar ovih laboratorija sa zahtjevima postavljenim standardom BAS ISO/IEC 17025. Takođe, ekspert je dao svoje preporuke u vezi neophodnih dokumenata i na koje načine ih je potrebno pripremiti za pokretanje procesa akreditacije. Tokom druge posjete eksperta, 4 - 6. septembra, analizirani su rezultati ranije dogovorenih aktivnosti na donošenju dokumenata koji su u međuvremenu pripremljeni u Agenciji u skladu sa međunarodnim standardom BAS ISO/IEC 17025.